

第 七 卷

啓定五年  
西曆一千九百二十年

南

風

主筆

漢文阮伯卓  
越文范 瓊

印刷所河內東京印館

# 南風雜誌第四年下半年目錄攷

啓定五年西曆一千九百二十年

## 第卅七期 [西七月]

張數

法國政治略考 (續四) . . . . . 一

歐學行程記 (續一) . . . . . 十一

戰前戰後之糖業概觀 . . . . . 十七

占城考 . . . . . 廿六

今上御製詩 . . . . . 卅八

古賢詩文錄 . . . . . 卅一

(辰談) 世界大事記 . . . . . 卅五

國內之部 . . . . . 卅八

## 第卅八期 [西八月]

張數

法國政治略考 (續五) . . . . . 四一

歐學行程記 (續二) . . . . . 五一

香江夢 . . . . . 五九

調查戰後歐美之教育 . . . . . 六七

古今詩文摘錄 . . . . . 七一

(辰談) 世界之部 . . . . . 七五

中國北京之政局談 . . . . . 七六

國內之部 . . . . . 七九

● 第卅九期

〔西九月〕

張數

錢幣考

八一

法國政治略考 (續六)

九三

歐學行程記 (續三)

一百

造紙業

百〇三

古今詩文摘錄

百〇七

大法前首相遊東法之行程

百十二

中國之西南派

百十六

我國人之海船事業

百十七

越南史略出版

百二十

北圻諮問議會

全

● 第四十期

〔西十月〕

張數

法國政治略考 (續七)

百廿一

中國之哲學

百廿七

佛教之對於世間的觀念

百卅四

歐學行程記 (續四)

百卅九

改良鄉俗問題

百四一

對於漢學問題之講說

百四七

京中歐戰陣死將士紀念臺

百五三

東法政府會議集合

百五八

中圻諮問議會成立

百五九

● 第四一期

〔西十一月〕

張數

法國政治略考 (續八) . . . . . 百六一

文化與人類 . . . . . 百六四

歐學行程記 (續五) . . . . . 百七六

改良鄉俗簿 (續前期) . . . . . 百八十

讀明遺民朱舜水供役安南記 . . . . . 百八五

列國探風記 . . . . . 百九一

漢字新名辭考 . . . . . 百九七

(辰談) 中國之部 . . . . . 百九八

國內之部 . . . . . 百九九

● 第四二期

〔西十二月〕

張數

佛敎略考 . . . . . 二百〇一

歐學行程記 . . . . . 二百〇五

列國探風記 (續一) . . . . . 二百一十

讀故藩臺中公東行雜詠謹誌 . . . . . 二百十三

無形產解 . . . . . 二百十九

段相公之整頓鄉政 . . . . . 二百二十

初學漢文課法 . . . . . 二百廿五

漢字新名辭考 (續二) . . . . . 二百廿八

文新男爵枚相公謝封表 . . . . . 二百三一

(文苑) 今人詩文 . . . . . 二百三二

(辰談) 世界大事撮要 . . . . . 二百三六

中國辰事 . . . . . 二百三八

國內之部 . . . . . 二百三九

# ●法國政治略考〔續四〕

阮伯卓譯述

議會之集合。一郡轄議會。每年集合二期。第一期始於陽曆四月。耶蘇復生紀念日 (Pâques) 後第二禮拜第二日。第二期始於陽曆八月十五日。後禮拜第二日。一九零七年七月九日法律規定。郡議會得於第一次常會期中延長第二次常會開會期。但至遲不得過十月一日。郡之預算案。常於第二次常會中議決。故此會得以一月爲期。若第一次則不過十五天。

郡轄議會。得由總統召集臨辰會議。或以議員三分之二之請求。由郡長召集臨辰會議。但其期限不得過八天。(註)一八七一年八月十日法律第二十四條之規定。郡議會得就三分之二議員之請求。由議員轉請州長召集臨辰會議。設郡長不履行此條之規定。議員得申訴於參政院。或請願於議院。

郡轄議會。設議長一人。或數人。祕書若干人。於每歲第二次會期之始。以議員之年最長者爲主席。由議員互選。以一年爲任滿。議場除祕密之會議外。例定公開之。

郡長除議會檢查自己結算冊之辰期外。原得參預會議。

國之元首。得下敕令以解散郡轄會議。然於上下議院方在任之辰。宜即提出於議院知之。議院遂決議定再選之日期。並決議郡轄委員會當保存其原額與否。若否。則准許政府得選舉新委員會。何辰郡轄議員因身故。或辭職。或因他緣故。缺額。則於三月限內。宜選他人代之。然使將屆會議滿限之期。並這缺額將被再選。或自告缺日。至滿限日。無復有他會期者。則不必選人填補。

前者已言自法國設郡縣之制。雖其大體。乃欲中央之集權。然亦多次傾向於地方自治之制。此風潮由於一八七一年再行組織各郡轄會議委員會云者。方其始也。此等會議。只有發表意見之權。其聽從與否。則隨中央政府之裁定。繼此一八三八年法律定云。有許多事務。須得郡轄會議之準。

認方可。然會議準認後。須得行政官之閱依。至一八六六年法律。則定隨其必要事項。方求閱依。此後一八七一年法律。則此閱依之例。已成特例。未嘗見諸施行矣。然這律雖擴張郡轄議會之權。仍亦猶有各個限制如左。一因會議之議案。非是同一關重之點。有辰則代立法權而建議。有辰則代郡民而建議。故隨其議事輕重各殊。大概分爲四種。

一 所議之案。而不能以行政權廢棄之。或停緩之者。一此種則關於以代表立法權之資格而發議。如分配各縣稅額及定附收之額云者。

二 所議之案。除非有敕令取消。可以決議施行者。一如屬於定郡轄之選區。道路。(郡路市路及官路)給學費。謀財政。買公產。營建築。設火車。救濟孤貧。分撥支款於各市。及更改各市之界限云者。一會期告竣後之二十日內。郡長有權得請求取消這各個議案。其請求事。由參政院審判之。若參政院察係有悖於行政規則。或有濫權。則須有總統之敕令。然後可以取消。

三 所議之案。除非有敕令停緩。可以決議施行者。一如屬於收買及讓許其公共之房屋者。摘郡之公帑以補助國家工程者。審查各市會會員對於各稅額之請求書。及屬於郡轄內各公益之事者。凡此等議案。欲停緩其施行。則於議決之後三個月限內。須有總統之敕令。

四 所議之案。須有行政權之準依。方得施行者。一如於財政律所規定之界限外。又議設一特別稅額者。建議募集二十年長期之郡轄公債(Emprunts départementaux)者。認貢獻款或遺傳產(Dowsetlegs)。而有人異議者。一凡此等場合。須遞呈於參政院審查。然後由總統之敕令準依。方得施行。屬於郡之預算冊及結算冊。則準依之例。只由總統之敕令爲已足。無須參政院之檢查。

又有關於郡轄公益上之各支款。而郡轄議會遺忘不列入預算表。或推諉不欲編入者。則郡長可呈達於內務部。自行編入。遇此場合。則炤從行政規則。頒發敕令準許之。(炤一九零七年六月三十日法律)亦有許多事項。政府須提出於郡轄會議以質意見。且又當以此意見為必要者。如屬於變換各郡轄之地界者。關於檢林局 (Regime forestier) 之事件者。及律內已定明須質問郡轄會意見。然後決定之各事務者。除國內之要政外。郡轄議會對於其他各事務。得有請求之權。

一八七二年二月十五日法律。

(名為「的黎為尼」(L'Événement) 律。蓋由此公所提唱故名。)

有云。各郡轄會議。臨辰亦得有立法權。然此

乃僅指一特別之場合如左。何辰因有外禦或內亂。而上下議院不能集合。則各郡轄會議。當各舉出兩派員。以組成臨辰議會。而代替正式之兩議院。然於此辰期限一個月。須行總選舉。若新議會既集會。則臨辰議會即行解散。

(四)郡轄委員會。郡委員會乃於八月會期後。由郡會議舉出會內之委員各人。俾得於會議不集常會之期。炤常治事。通常這委會以四人或七人組成之。凡上下議院之議員。及郡所在之市長。不得預入這委會云。這委會最少須每月集會一次。以代表郡轄之資格。得有檢查郡長所執行之公務。又由自己發起。或由郡長質問。皆得有表示民意之權。凡委會所預議之各案。須遞呈會議閱依。又先預查郡長所提出之預算表。並得有異議之權。

郡委會之職權。即為郡議會所委托之職權。然此外復有特別職權。炤從律中所定。最要者如屬於田土事。分配各附給款於郡內之工作。及各市之計算云者。凡此各事。委會有決議之權。欲抗告此等決議。則須遞呈於郡轄會議。或遞呈於參政院亦可。

(五)郡廳會議。一郡廳會議。非是人民選舉之一會議。這會議之會員。由總統補任。其會員之數。以三人或四人組成之。郡廳會員之資格。須年在二十五歲以上。有律科舉人 (Licencié en droit) 文憑。或已任十年之行政職。或司法職。或已經充為郡轄議員或市長者。凡充為郡廳會員。則不得兼任他職。

郡長得為郡廳會議之座主。副座則每年以勅令由會員中舉出之。郡廳會議須集合達三人之數。方可起議。若因事阻。不足此數者。則出席之會員。可合舉一郡轄會員充之。若各會員皆缺席。則可以內務部之命令。舉郡轄議員以行代替。

郡廳會議之職務。可分為兩種。一則屬於行政 (Attributions administratives) 一則屬於訴訟 (Attributions contentieuses)。

屬於行政。則郡廳會議。代中央政府之權。而有諮問的資格。有許多事。不得不用諮問之手續者。如收買田土家屋。及村社道路之事等類。

昔辰郡廳會議。有權得准批各市會各公所。俾向審判衙門而行訴訟。自有一九零五年正月六日之法律。此權更被罷除。僅留左之兩場合。其一。於市會當行訴訟之辰。而不之舉行。則可由市民一人請求於郡廳會議。准許其代行訴訟。其二。凡一公廳欲起訴何事者。須質之市會。求其同意。若市會不之同意。則須上呈於郡廳會議。求其准許。

屬於訴訟。則郡廳會議。即為行政裁判所。審判其私民與政府之爭訟事。其審權何如。另於後「行政抗告」一章 (Voies de recours les actes administratifs) 詳敘之。

## 二二 縣制

縣乃行政之一區。即郡內之一部分。然非若郡之有法人資格者也。

郡蒞所在之縣區。其縣長職常由郡長兼領之。其他各縣。則每縣置縣長 (Sous-préfet) 一人。接近縣

長者。則有會議。以總選舉法選出之。名爲縣轄會議 (Conseil d'arrondissement) 以討議其縣內之各事務。

(二) 縣長之職權。——縣長由行政權選擇及補用。不須顧慮何等資格。世人常駭論縣長之設。滋爲繁冗。然郡蒞與各地相隔。須有親民之官職。俾之曉透民情及其利病。以上達於郡長。及贊助郡長之行政。且於此各職務之外。縣長又有特別之職務。可以決定各事。俾人民得免投告諸郡長。亦便民省煩之道也。

縣長須施行郡長之命令。及爲郡長與市長交接之介紹人。有辰郡長亦可委權於縣長。然遇緊急事務。則縣長可代行郡長之權。毋須待有委令云者。且炤法律及勅令上。(最要者爲一八八一年四月十三日地方自治之敕令。)則縣

長亦常有特別之權。如檢察其不合衛生之房屋者。陸路者。頒給認寔紙及通行紙者。準認各墓地所有之價額者。市塵及秤量之事者。除滅其有害之物類者。修補各市會之公房屋者。定各善堂之預算及結算者。及補仁各市徵稅之人員者。凡縣長所舉行之公務。須遞呈於郡長。郡長有更

換之權。何辰因濫權或因當事人之叫訴。郡長亦可取消之。於縣長告假辰。則郡長可擇一縣

轄議員以暫代之。炤常則有一郡轄議員代縣長署名。仍於縣長阻事辰。方舉一縣議員暫代而已。

(三) 縣轄會議。——每縣有一縣轄會議。議員之數。隨各總之數而定。每總各舉一人。然其全數不得在九人以下之額。若縣內不足九總之數。則所缺之額。又以勅令分配於人數衆多之各總。而增選以充填之。——其選舉則用普通選舉法。選舉人之資格。年二十五歲以上。於縣內有住所。或有編名於稅簿。並對於「不得選舉」及「不得兼任」之例定。亦與郡轄議員同。凡何人得充選此縣之議員者。不得兼領他縣之議員。並不得充爲郡議員。

屬於縣轄選舉之異議。則宜由郡廳會議審究之。於選舉辰。有何人叫訴異議者。須記入編本。或限五日內。宜以書遞呈於縣廳之文牘房。縣轄議員之任期六年。限滿再選一半。或因議員逝世。或因他故缺額。則於二月限內。宜選他人代之。除何辰將屆滿限。則無須填替外。縣轄會議。以縣廳爲集合地點。其議長及書記員。由會議中自舉之。集議辰。不用公開。然縣內之人民。有權得請示集議之編本而披閱之。

郡長得有停緩縣轄會議之權。然須由中央政府之承認。若夫解散之權。則屬於國之總統。縣轄會議之職務。最要者在乎以縣轄担受稅額之總數分配於各市。集會之初期。則先檢查各市所叫訴及請求減稅之書狀。然後遞呈於郡轄會議。隨郡會議之審定。縣會議另於集會第二期。照此審定分配直接稅於各市。縣會議或因縣長之諮問。或因己意之發起。可向縣長表示意見。間亦有事件。縣長須質問會議之意見。然後可以施行。

縣轄會議對於各事務。有請求之權。(Emettre des vœux) 宜遞呈於郡長察擬。仍對於國政不得請求。

### (三) 總制

總也者。乃地方之一區域。非是一行政本位。(Unité administrative) 並無有法人資格。故屬於行政方面。未嘗有何等特別之體制也。曾多次有人建議。宜設一總轄會議。(Conseil cantonal) 以代替縣轄會議。而商議屬於總內之公益事宜。然至今日。則此等建議。未嘗見諸實行也。現今在法國約有三千總。屬於司法權。則總轄乃屬於初級審判衙門之範圍者也。

## 〔四〕市制。 性格——歷史——體制。

市 (Commune) 亦猶之乎郡也。非特爲一地方之區域。而其寔一行政之本位也。市也者儼然爲「法人」的。具有權利。有財產。有特別之行政機關也。

法國各市之體制。近今一世紀間。更改甚多。然大抵欲增廣其地方之自治權而已。昔辰各市常被在上最高權之監督綦嚴。而市會議亦全由政府補任。其後復以有限選舉法。準其選舉。自一八四八年以後。方準以普通選舉之法行之。市長之設亦然。方其始也。由政府及由郡長補任。繼此幾許。都市得由市議會公選。其後政府之監督權。轉由郡長行之。然其所監督者。僅關於特別之各場合而已。並市議會之議案。除律中既定明之各事件。其餘無須行行政權之準依。

迨至一八八四年。廢棄前此之各法律。而組織各市的政體。是年法律。至今尙見執行。世人常名之爲「都市之會典」(Code Municipal)。

每市設一市長 (Maire) 由市會議公選。佐助市長者。則有副市長 (Adjoint) 亦同此公選法。接近市長者。有一會議。名之爲市議會 (Conseil Municipal) 以普通選舉法舉出之。

一八八四年之律。對於地方自治。尤爲擴充。蓋以其增加各市議會之職權甚多。使至今日法國各都市。幾乎已有完全之自治資格也。按我南國之村社。亦宛然成爲自治之團體。蓋其村社中

之耆役。常由社民公舉。及村社內之一切事務。皆由社人自理也。雖然我國村社之政。未嘗有一定之制度。鄉例鄉政。拘守舊俗。因之權豪侵蝕。弊害百出。至今成爲社會上腐敗之團體。夫鄉村者國家之小阿屯也。村社之不理。無怪乎國家之貧弱也。有心於國者。曷不先從村社整頓之。

(二)市長——市長由市議會選擇於各議員中舉出。如市長因逝世或因他故告缺，則選舉市長之手續如左。

使市議會無缺額之辰，則於十五日內宜舉出新市長。使市議會有缺額之辰，則於十五日內宜增舉議員補缺。然後另舉市長。使於既經補缺後而復有新缺之議員，則亦照常舉出市長。除何辰議員之數只達全數四分之三，則計自最後缺額事發生之日起一月限內宜增選議員先行補缺。預備選舉市長，則最先須招集市議會。招召集常例行之。(以開會前之完全三個月招集)然遇緊急辰期，則郡長或縣長亦可短縮期限。招集紙宜編入「會議冊」並粘揭其紙內詳敘其選舉事。

選舉辰以最高年之議員為座主。以匿名投票法行之。並須達完全多數之例定。方為中選。若第一次及第二次投票皆不足票數，則再行第三次投票。斯辰只以得票多者為中選。若兩人所得之票數同，則以其年長者中選。於市長有干咎之辰，則郡長有權得令停職。仍於停職之前須招市長而說明其干咎之理由。其停職之期限內務部得增加達三個月。然欲革職須有總統之勅令。

被革職之市長一年限內不得再舉。欲抗告者須上呈參政院。免納費損。並無須聘狀師。

市長欲辭職者須投呈於縣長。由縣長遞呈於郡長。郡長收認此呈詞。即辭職之有效。自此日始。若郡長不之認受。則再修一書以掛號書 (Lettre recommandée) 投納。若經一月不見復音。則只自便

棄職而已。於因解散或因辭職致市會議不復存在之辰，則宜設一特別委會以代之。斯辰若

市長辭職。則這委會之會長可以暫領達於有新市議會之日。

市長之職權乃屬於戶籍 (Pouvoirs civils) 司法 (Judiciaires) 及行政 (Administratifs)

屬於戶籍。則市長專掌生死嫁娶簿。(Officier de l'état civil) 於人民迎婚辰。宜證行婚禮。並編錄生死嫁娶之事。方市長執行此職權之辰。則屬於司法權行政權之監督。若有遺忘。應担受責任。或被罰金者。亦有之。譬如遺忘不署名。或誤開。致有損害當事人。則當受賠償費損。或有辰審判院處以一百西貫之罰金。屬於司法。則市長專掌「司法警察」一事。(Officier de police judiciaire) 宜查拿市轄內之輕罪重罪等犯。集合各證據。而報告諸審判官。於施行此職權之辰。則市長更隸屬於審判院及掌理官之權。然有辰市長得充為各違警審判所(Tribunaux de simple police)之掌理職。(Ministere public) 屬於行政。則市長乃一都市之首憲。宜督率行政一切事務。及管顧都市內之各公務。施行國家所定之律法及市議會之決議案。以代表中央政府之資格。市長宜宣揭及執行各律例。與夫籌料轄內之治安計畫。舉行自己之特別職權。(如監督選舉及分配稅額之類) 凡此等事。須受政府之檢督。

市長又須督率市內及田野之警察事。(Police municipale et rurale) 此事乃市長之特別分事。不由政府所專委。惟中央政府有檢察之權。若市長之警察懈弛。則中央政府宜代之。於市長施行此職權辰。對於市議會不相關屬。

都市之警察事。須保持市內之安穩。並道路之潔淨。市長有權得議定屬於街道之來往。禁止集合爭毆嘈雜等事。保持公眾地(如教堂、歌館及市場)之秩序。規定死葬者之合於衛生。並檢察飲料食料之精潔。防備火警及水潦事。保禦病狂人或狂獸。免於奔逸。以為人害云者。

田野之警察。則凡市轄內之各田野。宜保持其安靜云。

四萬人以下之都市。則市長有組織警察之專責。若此警察之經費。市議會不欲編入預算表。則市長得請總統之敕令編入之。市長有補任警兵之權。然須遞呈於縣長或郡長閱認。市長亦得補任巡兵。然亦須有縣長或郡長閱認方可。此各項兵。市長有停職權。仍革職必由郡長。四萬人以上之都市。則警察之組織。須有總統敕令。昭市議會之議而行之。市長於執行左列之各職權。則兼屬於市議會及中央政府之檢督。如爲都市保存及管治其市內之公產。署記其關於市內利權各款之契券。經理利息各款。管顧各公所。管顧工作上之冊簿及工程。署記其各個財產之賣券讓券及認券。凡賣讓認之手續。須先有行政官之準依方可。代表都市向審院行訴訟之事。籌定計劃以消除有害之畜物。及指定屬於道路之事云。

欲施行上叙之各職務。則市長有頒發議定 (Arretés) 之權。凡此等議定。宜謄寫於都市冊簿。並以一抄本寄呈諸縣長。縣長或郡長。無有修改市長議定之權。仍有權得停緩或罷棄之。凡市長之議定。須報告於人民週知。然後施行。其報告之式。屬於公共之議定。則宜以之粘揭示衆。屬於私人之議定。則宜送達於當事人知之。何人違悖市長之議定者。則以違警罪擬處。(未完)

## ● 歐學行程記 (續一)

義園阮文桃撰

西三月初七日抵錫蘭島 (Ile de Ceylan) 姑林浦海口 (Colombo) 住此一日一夜。錫蘭島居印度之南極。英之屬地也。地面比北圻較大。姑林浦乃其首府也。海口廣大險固。有碼頭以泊輪船。各國商船戰艦。往來停泊於其間者。星羅棋布。指不勝屈。津頭有焰海燈二三株。入夜光影遠耀。爲舟楫往來之引導。有浚海機器。凡諸渡頭淺狹之處。用此機浚之。以通舟船。這埠亦歐亞交通水路之最大。

海口也。人數約得十二萬七千人。庸面光潔。棟宇巍峨。酒樓飯館之中。珍品悅目。甘旨宜人。凡諸歌館戲局。及苑囿遊觀之所。無不極耳目之娛云。

此處亦多手車。印人挽之。電車汽車雙馬車。喧噴繹絡。往來徹夜。土人多以植椰爲業。其地多產珠寶。寶石。各商店之中。多以此項玩飾發售。其價甚廉。是以每於舟至辰。印人輒携數把水晶器。及諸圓細之美石來招客。問之則皆上好項玉也。苟不精辨。則魚目混珠矣。

本處之印人。多有頭上束髮。包以紅巾。身被長衣。口食芙蓉者。比之僑居東洋諸印人。其智愚文野之程度。相去遠甚。故英人之於印人。亦不以平等之權相待。惟用之爲皂隸。及一切低賤之事而已。俗崇佛教。鄉邑之間。多設佛寺。僕等因往觀附近城廂一靈寺。見寺內棟宇高廣。排置莊嚴。規制最古。僧尼雜處於其中。袈裟之用。甚類我國人言中國古辰漢帝遣使之天竺。求三藏經。卽其地也。由此而觀。則佛本印度尊教之一鼻祖。於我絕不相關。而我國崇拜之者。人多於鯽。殆亦吾夫子之所謂非其鬼而祭之。諂也。嗚呼。菩薩眞身。釋迦遺像。清靜焉耳。慈悲焉耳。佛不能超印人於苦海。何能濟我。以慈航耶。願獻一言。以致謝於佛前曰。南無佛。

此處產烏最多。埠頭津次之間。每於舟到辰。羣來黑集於船頭。以食船中擲棄之所餘食物。望之幾成烏世界。爲其能食穢物。以除殄氣。有關於衛生之問題。故此處捕烏之禁甚嚴。倘誤殺一烏。卽干重罰。夫烏乃一惡鳥。而孰知其有益於人若是哉。

自姑林逋至埃及。(Egypte) 氣候酷熱。暑多雨少。凡所經過之處。皆沙漠不毛之地。山容盡赭。地無人居。望之甚覺憔悴。

拾陸日抵亞丁海口 (Aden) 乃是印度洋與紅海之夾界。這海口在阿拉伯 (Arabie) 國地分。英之

屬地也。庸立在山脚。屋舍蕭條。居民窮苦。早既太甚。草木不生。黑人以漁爲業。食品用茶羅菓。由這種

其地多產駝馬。易於馴服。黑人用以騎御抬載。人言此處每十四年一雨。故土人於山中鑿一大池。每遇雨輒於此貯之。爲日用飲食之需。未審果否。 移逋茲海口

(Djibouti) 在斐州地分。與亞丁相對。法屬之小埠頭也。在此天氣甚酷熱。庸面憔悴。更甚於亞丁。有

該治法官一座。及隣近之數小屋而已。其外處處各見茅茨數架。黑蠻人雜處於其中。土民膚面太

黑。甚於印人。望之如炭色。爲熱度之極點也。食品亦用茶羅菓。且行且食。衣服則用蠻布包其身。亦

多有不蔽體者。由四辰盛暑。故衣服之問題不甚關切。原前此處蠻人常有食人之惡習。自法人管

轄之後。此風始漸止。野蠻慘狀。聞之痛心。這種黑蠻。善涉水。舟將抵岸辰。男女童幼相率投身涉海。

尾舟而行。舟一停。卽魚串而上。以乞食。行客以西錢數文擲于海。彼卽潛于水底。一一覓得無遺。嗚

呼。歐人文明之程度。若此其高遠。斐人野蠻之性質。如彼其低劣。聰明智睿昏暗愚昧之分。固有關於

於學問而地氣亦不爲無關也。其地多產駱駝。均爲黑人之用。旱魃爲虐。山岩濯濯。原野無花

利。故貴保護官。亦不樂處。惟有該治數員而已。

拾柒日過紅海 (Mer Rouge) 舟渡此共五日。這海波浪不甚洶湧。然氣候甚不宜人。行客每有不堪

炎熱之嘆。病人過此則更甚。二十二日過蘇彝士河 (Canal de Suez) 河在綏斯腰地分。亞斐之夾界

也。自紅海至地中海。延袤一百三十筭。盧蔑深至八西尺。可容一大舟行。中間有數小湖。可爲避舟

之處。舟過此一日程。由河水淺狹。故舟入河後行遲。 有萬國鑿河大公司。舟抵河必先於此納入河稅。然後得入公司

另派水手一人以爲船之向導。凡各海口深淺不常。難於入舟。者必由本處水手一人引導。 這河開鑿始自一千八百五十九年。十年而完。

從法人烈插 (de Lesseps) 之謀也。前此歐亞交通。輪船來往。行程屈曲。沿斐州海岸。三月始至。不惟遲久煩費。且又爲谷王所奪。每過好望地嘴 (Cap de Bonne Esperance) 遇石礁。屢有覆舟之險。象自河一鑿後。往來神速便利。舟航漕運。一律靜帖。烈插之有大造于天下後世。良不淺矣。至今紀念之。崇拜之。馨香而尸祝之。河津之上。銅像巍峨。聊以表後人尊敬之無限感情。而報烈插公之大德於無既也。因偶占云。『十年疏鑿補天工。歐亞輪船一路通。縮地果能移地勢。巍巍銅像紀宏功。』

二十三日抵埃及。逋差益海口 (Port Said) 在地中海之東南隅。由蘇彝士河出海之處也。船至。有一西醫官登舟診探行客。倘遇有病人。輒出之。留守療治於其地之福堂。恐其傳染病及於他人也。俟病痊後。另準搭他舟而歸。不復收原價錢。其何舟經過有疾疫之處而來。亦必留住在本埠。不得便行。恐其播疫殄之症于他處也。歐州諸輪船停泊此處最多。船一至。埃及人爭携鳥翼鳥卵邀客發售。這卵大五倍於鵝卵。係斐州之一種大鳥所產。雖爲價無幾。而携之他處。輒爲異寶。庸中道路。爽潔。塵肆錯雜。屋舍壯麗。道堂樓臺院塔。多屬雅觀。英德法諸國人。多於此開商店。此處地屬溫帶。草木青蒼。花利多有生色。埃及人身長膚黃。面貌清秀可觀。近似亞州人。衣服長而廣。蓋前代之遺風。餘俗猶有存者。夫以埃及古文明之國。美政良法。多爲歐人所做式。其古辰所遺來之塔宇樓閣。規制最爲精美。乃至于今。國蹙民貧。幾幾乎爲歐州列強所魚肉。過尼羅河而憑吊。古跡空存。望美內士之故墟。地圖變色。觀此則興衰自有常數。而優勝劣敗。亦天演公例之所不能逃也。

舟自入地中海 (Mer mediterrane) 海。若又施洶湧之慣手。巨濤怒浪。羣起而傾盪輪船。比之中國海更甚。行客復均得暈浪之症。自此以往。天氣愈日愈寒。而禦寒之衣服。遂不可不急爲預備矣。

舟過地中海。共七日程。廿五日過土耳其地分。(Turquie) 廿七日過意大利地分。(Italie) 近歐地之各處。海中多有小島。島中均有家居。居民墾山爲田。耕稼樹芸。以謀生理。凡所經過諸山。無一荒廢者。此亦可見歐人勤儉之一般根性也。屬意大利地分。多火焰山。居民屢被其害。舟行過意大利之南極。屬癡生海島。(Ile de Sicile) 山岩盤繞。擁護其前。奇山秀水。佳氣鬱葱。風景可愛。山中多有人居。屋舍有一大庸名米生城。(Messine) 城中無人居。宮室毀壞。鞠爲茂草。問之則這城於西一千九百八年。被地震之大變。家居屋舍。全被覆壞。人民死者三分之二。至今未能修葺。以望遠鏡窺之。風景甚形憔悴。見之不覺傷心慘目。蓋歐洲各國。大半皆屬山分。多火焰山。故屢遭地震之災。

三十日抵法國馬色城。(Marseille) 城在法國之南境。大法之第一商埠。而環球之第五商埠也。民數約得五億五萬餘人。本處及各國之商船戰艦書信船。雲屯蟻集於埠頭者。更僕難盡。舳艫千里。舸艦迷津。初至埠頭。已略見富強之大勢矣。有一統掌水道大公司。行客於初抵關辰。凡諸行裝物料。一切各項重大物件。如木函木篋箱笥之類。各留置一別廠。由公司派人開看勘驗。以觀有無中藏之應受入港稅貨項。如煙柴北茶之類。及國家重禁之物料。如鎗砲炸彈之類。這公司兼有全球之各項鎖鑰。故凡外洋之行裝貨物。一。至。即留貯一處。自便開看。不煩行客事。清。即璧完於原交之主人。

城庸廣大。人煙繁會。商賈輳集。道路往來。車轂擊人肩摩。電車汽車馬車。自動車。繹絡不絕。庸面家居。均自五六層以上。棟宇巍峨。商店森立。商務最盛。而西油澣衣藥餅。則又爲出口之大宗。路面均砌以木板。或磚石。使雨辰不致泥濘。而暑時不至揚塵。入夜電燈煤氣燈。晶熒燦爛。望之幾疑不夜。城之中。有一最大鉄橋。橫架於小江。以便行客往來。各國人種雜處於城中者。寔占多數。至如公

廠公園。酒樓茶館。禮拜堂博物院。歌演劇及行樂遊觀之所。樓臺壯麗。規制雅觀。更僕難盡。詢為法國之第二巴黎城矣。

西四月初二日晚七點半。僕等搭火車往巴黎城。至次日十一點抵到。瑪色城隔巴黎城八十六萬

三千西尺。而車行十五點半可至。其速殆三倍於東洋諸路火車。

僕等兀坐車中。四顧縱望。察之境內火車。處處鐵路均有二道。車行一往一來各別。非如東洋只有一道。車行必須等待相避也。國中鐵路甚多。皆以巴黎為中樞。而分達於各省。按圖而觀。無異蛛網。

巴黎為蛛止之處。而在外諸省。則其所排結組織之網也。其與外洋諸國相通音信。則別有水道電線。潛行水底。周流八極。萬里一息。自法國抵東洋。瞬息之間可到。每一聲值

西錢五法地多山。火車穿山而行。故遇有高處。勢不能截山為兩段者。鑿成隧道。車輒潛行於山

谷中。常有至一點鐘之久者。

境內土地。大半為原田。沃饒肥好。故雖風雨稀少。而草木常保秀茂。田不築畔。西疇南畝。一望平坦。

溝渠池壕亦少。地不產牛。耕者惟用驢犢。或用機器。田野之間。均種粳麥葡萄樹。西菜及各項菓子。

至如亞州之穀米。則惟有南境數處播植而已。由其地溫熱。宜於穀米。

數十室相聚為一社。社內無有竹籬。由地不產青竹。望之濯濯。然如庸面。社內設一社長。社長有該

治一社之權法。又有社民議會。以助社長辦事。等而上之。為總為縣為郡。仍該治之法。較與我國稍異。

法人勤於生業。全境山林諸處。均有人居。墾山為田。耕稼樹藝。無荒廢之地。

道路之間。無有擔負。近行者則隨身貨物。置之一小車。以手牽之。遠行者均由火車抬載。此省達彼

省。惟有火車路。無步行路。至如東洋之手挽車項。則全歐並不用。蓋貴平等愛自由。不欲同人道於

牛馬也。

法國氣候。寒多暑少。每至冬天。江河湖池。凝凍成冰。可履其上。故本地人各有一種鉄履。用以行冰。天屢雨雪。片片亂飛。如綿絮。滿地白銀。道路之間。雨雪載途。人馬往來。冒雪而行。春夏之交。草木發生。暢茂欣欣。向榮及至秋冬。色變葉脫。摧敗零落。望之憔悴。幾疑枯樹。惟有松栢一種。性頗耐寒。青蒼不改。然後知孔子歲寒松栢後彫之語。真格物也。

### ▲巴黎城

巴黎城 (Paris) 繁盛美麗。世間之第一都會也。地形橢圓。面積七千八百二西畝。民數近得三兆。法國之都城也。全城分爲戶爲轄爲庸。合共四戶。二十轄。一千六百餘庸。城中有大法監國殿下宮殿。尙書列憲座。巴黎督理座。元老議院。庶民議院。至於各項學堂。各項博物院。大公園。大歌館。大商店。製造廠。紀念塔。紀念銅像。以及酒樓飯館。種種遊觀行樂之所。碁布星羅。指不勝屈。電線汽車。聯如蛛網。層樓疊閣。密於蜂房。故遊其地者。莫不稱之爲大歡樂場。國中商賈之發達。技藝之興。旺文學之進化。推巴黎城爲首。庸中家居高至六七層。自地面而下。又有數層。揣其故。非獨爲高大之美觀。蓋亦患地狹。而人稠。勢不得不增高其屋舍也。加以巴黎地貴。凡大庸之中。多有地一西方尺。當西錢一萬佛郎者。道路之間。均砌以木板或磚石。如瑪色城。或用沙灰。蚩謨製成三合。覆於其上。絕不見有露土之處。車馬往來。如織輪蹄。繹絡不絕。行客冠蓋相望。電車。汽車。自動車。有二馬車。足踏機車。指行價機車。這車亦用馬挽。坐前有一鏡箱機器。中有指錢價機。行價之多寡。各隨行程之長短爲差。停車辰。掌車人。焰機中所指之價收取。主客原不先知。轟轟彭彭。如霆如雷。入夜電燈。煤

氣燈。燦爛光耀。仰面而觀。滿天紅色。遊人不絕於道。自晚貳點以後。酒樓歌館。幾於無處可坐。蓋由巴黎之民。多是富貴萬石之家。日事遊宴。紅男綠女。容隨粉麗。笑逐顏開。艷質羞花。嬌姿閉月。衣裳

楚楚攜手同行。秉蘭贈芍之風。爲巴黎民久來公然之習慣。故華儒謂歐人不甚嚴男女之防。亦其言之有徵也。每禮拜日及慶會日。街衢之間。車跡稀少之處。童男童女。佳婦佳兒。爭相握手乘鉄履遊戲爲樂。這履有四小輪。其行甚速。乘之易於墜跌。仍習之既嫻。則往來進退。無不如意。疾速不讓機車。巴黎民多有男女兩相攜手乘鉄履。雁序而行。無復蹶跌之虞者。

巴黎有一種火車。潛行地下。謂之隧道中火車。西人謂之迷蘇車。全城地下。處處均有火車鉄路。此處達彼處。此廂達彼廂。均有車行。其價甚廉。故人多搭火車。凡諸大廂。地面各有一方孔。行客必由此孔層層而下。至發派紙所。領派然後前行。至停車所。待車至而上之。及下車後。亦層層而上。由方孔升於地面。爲其地下黑暗。故車行處。日夜均有電燈。蓮江 (La Seine) 自北而南。經過巴黎。剖城爲二片。迷蘇車往來地中。必潛行於江底之下。然牆壁捍衛堅固。規制最爲精密。無有覆墜之礙。觀此則巴黎全城。俱是中虛。凡地下有人居及車行處。其地面多以最堅厚之玻璃鏡覆之。以通光氣。入夜則地下電燈光影。亦透於地上。故凡路面之有光影處。皆爲中虛處也。

### 戰前戰後之糖業概觀

現在糖價飛漲。人皆知其爲關於歐戰的結果。但是歐戰的結果。何以能令糖價飛漲。這個問題。恐各人未必能解此中原由。今姑從日本報紙中。譯出一篇關於世界之糖業。俾吾人皆知其騰貴之緣故。并知他人之謀商及營業者。皆具有世界之眼光。非若我人之井智自小者也。譯如左。

歐戰以前。全世界之產糖額。爲一千八百餘萬噸。其中甘蔗糖約九百八十萬噸。甜菜糖約八百四

十萬噸。兩種之產額。幾在伯仲之間。至一千九百十四年。歐戰勃發。德奧俄法意諸國之土地。向為甜菜糖之主產地者。一變而為戎馬蹂躪之區。糖廠亦為礮彈所毀。其幸而獲免者。亦均改造軍需品。加之壯丁被徵。肥料不足。收穫痛受打擊。產額遂致驟減。如去年甜菜糖之產額。僅為三百六十餘萬噸。較之戰前。寔減少四百八十萬噸。亦云烈矣。反之。甘蔗糖之產地。因開戰以來。力謀獎勵耕作。加之天氣良好之故。至一千九百十八年。產額增加二百五十萬噸。竟達一千二百三十餘萬噸之多。故兩種糖之產額。至是遂失其平衡。茲將兩種糖之產額。列表於後。

▲戰前甘蔗糖之產額 (單位千噸)

地區	一九一四年	一九一五年	一九一六年	一九一七年	一九一八年	一九一九年
古巴	二,五九八	二,五九三	三,〇〇八	三,〇二四	三,四四六	三,六〇〇
英領印度	二,二九一	二,四六一	二,六三四	二,七二八	三,二二九	二,三三七
爪哇	一,三四五	一,三〇三	一,一九九	一,五九六	一,七九三	一,六七〇
合衆國	一,一五〇	一,一一〇	一,一〇〇	一,三〇九	一,一四五	一,二〇〇
南美	七八〇	八七四	七五一	六五三	六八六	八七八
非洲	四七五	五二四	五一二	五二三	五四五	六七八
澳洲	三五五	三四八	二五〇	二八九	三九七	三〇六
中美西印度	二五八	二四〇	二二六	二〇五	二一〇	二六三
菲列賓	二二五	二四三	三三二	二〇三	二一六	一六〇
日本	二〇四	二六二	四〇五	四三六	三九八	三七五
英領西印度	一一〇	一一一	一八〇	一九九	一八〇	二一六
法領印度	七八	八〇	七三	七〇	四九	六〇

西班牙	一三三	七	四	五	六	六
總計	九八九四	一〇一六六	一〇六七四	一一二四〇	一二三〇〇	一一六四九

附

台衆國甜菜	六五五	六四六	七八〇	七三五	六八三	六七五
坎拿大甜菜	一二	一四	一八	一三	一一	二二

▲戰辰歐洲甜菜糖之產額。(單位千噸)

德	國	三、七二〇	二、五〇〇	一、四〇〇	一、四五〇	一、二〇〇	一、四二二
俄	國	一、六八八	一、九九三	一、四六七	一、三一六	九〇〇	八〇〇
奧	國	七〇三	一、六〇二	一、〇一一	九四〇	七〇〇	七〇〇
法	國	八〇五	三〇三	一三六	一八四	二一〇	一、〇〇〇
意	大	利	三二八	一六七	一四〇	一一五	七五
比	利	時	二二九	二〇五	一一三	一三五	四一九
其	他		五〇一	五一一	四七八	四二二	四一九
總	計	八、二〇四	七、五八三	五、〇七八	四、八五六	三、七六四	三、六七〇

今若以一千九百十四年度之世界產糖額表示世界平時之砂糖需給狀態則依右表之數字知世界產糖額對於消費數量寔不足二百餘萬噸。歐戰中產額減少之最甚者爲中歐交戰國。其中尤以法國爲烈。觀右表幾減少八分之七。俄德奧意比等國亦均見其逐步減少。德奧二國之甜菜糖產額在歐戰之前佔歐洲全產額之大半。除供給本國之需要外。尙能每年以二百萬噸輸往英國及其他諸國。以與甘蔗糖抗衡及受大戰之影響。遂致較戰前減少半數。然以本國生產尙能敷本國之消費也。反之英法俄意諸國之砂糖界。則大現缺乏之象。其中尤以英國爲甚。蓋英國平時

仰給於德奧之輸入。戰端既啓。輸入停止。糖界遂入窘境。與其他諸國合計。寔不足四百八十萬噸。遂不能不求諸歐洲以外諸國。無如開戰以來。船舶減少。未能暢所欲運。於是不能不講求節省消費。一方面以法令限制國內砂糖之最高價。〔歐戰前英國人民一人一年間之消費量約七十斤。歐戰中限制每月僅能用二斤。美法及其他諸國之限制亦大都如此。〕他方面商請美國倍量輸入。政府專派官吏管理之。並力講分配之方。費盡種種手段。方得調節國內之需給。而糖價亦賴以維持。次觀產額增多諸邦之中。尤以古巴爲最著。較之戰前。增收一百十餘萬噸。除供給美國之消費外。尙具有一百五十萬噸之輸出餘力。此蓋以美國政府對於歐洲聯合國。立於供給砂糖之責任地位。故舉其全力。從事於古巴糖之樹藝也。爪哇在歐戰中。亦增加產額三十萬噸。但該島產額之大部分。不能不輸往外邦。及聯合國封鎖德國之政策奏效以後。爪哇輸出之途爲之梗塞。蓋以爪哇爲荷蘭之領土。而荷蘭爲德國對外之唯一門戶。聯合國封鎖德國。尤不能不格外嚴重。因之領土之爪哇亦大受其影響。糖價低落。當時幾不知伊於胡底。糖商之破產。及糖舖之閉歇。接踵而起。爪哇經濟界之恐慌。不可名狀。荷蘭不忍默視。竭力救濟。公定價目。禁止私賣。然亦僅能維持糖價之暴落。仍未入於樂境也。

觀以上所述。知大戰之結果。此方苦於砂糖之不足。彼則窮於多量產品之輸送。致惹起不能以有餘補不足之怪現象。洎乎大戰告終。和平恢復。船舶增多。運輸如意。交戰各國或弛廢其限制消費之公令。交戰中大受束縛之人民。一旦得恢復其消費之自由。於是需要之度。亦遂倍蓰於往昔。因勝而驕。因驕而奢。凡百需要之增進。要亦爲自然之結果。加之美國自去年七月一日。寔行禁酒令以來。茶與咖啡及其他飲品之銷路擴大。因之砂糖之需要。亦隨之而增高。

由是觀之。五年間慘淡辛酸之大戰。實令世界之糖界發生一劇變之時期。各國糖量之消費。不僅復戰前之舊觀。且行見其逐日增進。而決無減縮之憂點者。可斷言也。歐洲諸國以僅及戰前產額之半數之產品。決難供此劇烈之需要。供少求多。又生不足。而此不足。自不能不以甘蔗糖補充之。則甘蔗糖市價之飛騰。又必在意料之中矣。

歐洲大戰之影響。及於世界砂糖需給之概況。又因戰後消費之澎漲。致糖價飛騰之原因。既如前述矣。但欲研究對此劇烈增進之世界的消費。究應如何調劑。則又不能不考查世界產糖之能力。換言之。即不能不探究甘蔗甜菜兩糖之生產狀態。究起如何之變化也。

對此研究。當首先矚目者為古巴。此島之產糖額。因美國政府努力之結果。一躍而達四百萬噸之多。就其地質論。將來尙可望其增收。無如該島人工缺乏。運輸不便。富源開發。未免美中不足。就現在之狀態而言。今後果能發展至如何之地步。尙不能無疑。即如本年度之預計。約能產三百二十萬噸。今姑以去年產額三百六十萬噸算之。其中除去本島之消費十五萬噸。餘則悉數運往美國精製。除供美國人民之需要外。更將餘額運往歐洲諸國。但在美國。自禁酒令實施以來。消費日漸增加。去年五六兩月已達四十萬噸之多。本年之消費。預計約在五百萬噸內外。今姑假定為四百五十萬噸。然美國本土產出之甜菜糖為七十五萬噸。露伊西納 Louisiana 產出之甜菜糖為二十五萬噸。樸篤利壳 Porto Rico 檀香山及其他各處產出之甜菜糖為八十萬噸。合計之。知可供美國消費者。僅為一百七十五萬噸。從四百五十萬噸中減去此數。則知美國對於國內消費量。尙少二百七十五萬噸也。此不足之量。自不能不仰給於古巴。糖之輸入。故知古巴糖對歐之輸出能力。僅為八十五萬噸左右。

其次之當注目者爲爪哇。是島每年產額爲一百六十萬噸。但島中米糧不足。若不由仰光及西貢之輸入。則該島所產實不敷本島之用。去春以來。法國政府禁止西貢米之輸往爪哇。於是爪哇甘蔗園之一部。不能不改樹禾稻。加之歐戰之結果。勞働階級。往往有社會主義之傳染。所謂民族自決。食糧自給之論調甚盛。此等過激思想。傳播於蒙昧之士人以後。遂成爲實際之運動。故甘蔗耕地之擴張。亦受限制。調查去年實情。知已有將耕地三分之二改爲樹藝禾稻之計畫矣。故爪哇糖將來之收獲。決難超過近時也。本年度之產額。據調查知爲一百二十萬噸。其輸往印度方面者。爲三十五萬噸。輸往日本者爲二十萬噸。輸入中國者亦爲二十萬噸。輸往澳洲者爲十萬噸。本島內之消費爲十五萬噸。合計爲一百萬噸。故對於歐洲之輸出能力。僅爲二十萬噸。英領印度。雖由英國政府竭力獎勵種糖自給之方。然一時尙未能如願。年產額雖爲二百三十萬噸。內外。然國內之消費。實占三百五十萬噸。而此不足之數。正有待於爪哇糖之輸入也。台灣雖亦爲產糖之地。然無海外輸出之能力。又如菲列賓。雖能產糖十六七萬噸。然爲吾國及南洋羣島所吸收。此外產糖之地。雖多。然僅能供本土之消費。對於世界砂糖之分布。並無何等之影響也。

世界甘蔗糖之產額。已如前述。其具有輸出之能力者。僅爲古巴及爪哇兩地。故今後世界上砂糖之市面。當視甜菜糖生產之如何而定。然歐洲耕種甜菜糖之土地。其荒廢程度。殊出意料之外。德國自開戰以來。竭力破壞法境之砂糖工廠及其耕種之地。使其糖業不振。故法國糖業之復活。決非於三四年之短辰期間所可告成。德奧俄三國。敗北之餘。秩序紊亂。雖云供足以應求。然欲恢復戰前之舊觀。則在四五年之間。亦決無成功之望。加之樹藝甜菜。其獲利較他種農業爲微。又况對

於人民生活。較砂糖更爲切要之小麥。常慮不足。故糖業之復活。一辰更難有望。又以世界的砂糖之供求失其平衡。休戰條約成立以後。歐洲各邦購求甘蔗糖甚烈。大戰中沈陷於悲境之糖業。一躍而入於樂境。糖價亦一再飛昂爲前古所未有。現今生產費。皆見騰貴。益不許糖價之不漲。故可逆料糖業前途。決可維持現今之狀態。甚或能更進一步也。

休戰以來。糖價既如斯飛漲。國民生活大爲窘迫。故美國及歐洲諸邦。再下其消費限制之命令。並由政府委吏管理。一如戰辰。如法國於一九一七年十二月二十九日。以大總統令禁止精糖粗糖及粉糖之輸入。至去年六月十日業已解除。未幾。又於同年七月八日下令禁輸。且更將其範圍擴大。除在印度法國公所突尼斯及摩洛哥以外。凡法國殖民地及保護國。均適用此令。美國亦於去年十月以後。限制砂糖之消費。每人每週祇准用八英兩。美國亦於十月一日恢復舊制云。

世界糖業之劇變。爲受大戰之影響。已如前述。今則各國已臨糖業政策之新轉機。戰爭中所嘗之辛酸。務欲使其不復見於今後。咸行其求人不如求己之新計畫。各就其領土。擴張其栽培區域。以圖倍量之收穫。然而各國之努力如何。政策如何。則又不能不詳加考察。蓋其有關於糖業之將來。至爲重要也。

茲先就英國言之。英國於戰爭中。對於砂糖消費。最感困苦。故在今日力講自給之方。政府投其巨額之經費。開拓種植地於其領土南美竺理西耶那及南非殖民地。埃及等處。而對於印度砂糖業之保護及獎勵。尤不遺餘力。故已漸見有成功之趨勢。一俟勞動問題解決。及國內諸工業機關恢復之後。當益努力於此云。

次觀美國其糖業之在戰前。因歐洲甜菜糖之發達。大受壓迫。每年由歐輸入之量。約在十萬噸左右。大戰以來。知砂糖爲日用品中必不可少之物。與夫國內所產之不足以供給要求。故在墨西哥薩吳獨米吳岳。范南茲愛拉。哈千等地。廣植砂糖。此項農具及機械。亦自行製造。比法諸國工廠添購之機械。亦由美國包攬製造。更鼓其餘力。供給中美南美西印度諸島及英國殖民地之所需。蓋美國欲以其大戰中所得之富力。開發此廣大之富源也。充其量則世界糖業美當執其牛耳矣。次觀德國。雖於敗北之後。百廢難舉。然亦企圖各種工廠之活動。其於糖業。亦着着進行。大有不肯甘落人後之觀。歐洲諸國。既咸努力於糖業之恢復。則若干年之後。必能見其發展。又如巴拿

馬共和國。雖爲蕞爾小邦。而其視糖業。亦爲國利民福之大事業。今後十年間。政府對於糖商。概豁免其國稅及市稅。其需要之機械。亦均得無稅輸入。國土雖狹。適於種植之地則多。故知其將來必有輸出之能力也。更觀西比利亞政府。則以俄人喜飲紅茶磚茶之故。爲日常生活必不可少之品。故該政府施其砂糖專賣之制。近亦以種植方法。獎勵營業。該政府之基礎。雖未確立。然其將來之發達。要亦在預料之中。日本糖業。亦復隨世界之潮流。竭力整頓。將來當亦有望。

世界糖業政策。在今日大戰以後。咸努力於自求。其結果或致將來生產過多。發生供過於求之時期。則糖業前途之觀察。轉覺不甚易矣。

最後觀察中國之糖業。則戰後雖呈活躍之狀。然却不甚得意。其騰貴程度。遠不如歐美諸邦。故知中國糖業市面。獨在世界市面之外。其原因要在抵制日貨以來。砂糖之需要。爲之激減也。今試取爪哇糖價與上海之價。比較列表於後。

瓜哇

上海

差

一月	六兩五四	六兩五四	〇兩四六
二月	七兩三〇	六兩八四	一兩三九
三月	八兩二六	六兩八七	一兩七二
四月	八兩五八	六兩八六	一兩一九
五月	八兩八八	七兩六九	〇兩〇五
六月	八兩九八	八兩八三	一兩七一
七月	一三兩五三	一一兩八二	一兩六三
八月	一二兩〇一	一〇兩四八	三兩〇九
九月	一二兩三四	九兩二五	三兩三八
十月	一二兩六六	九兩二八	

中國糖業。雖在世界大圈之外。然究不能抵抗世界之潮流。觀其輸入之量。當可知矣。

今以四萬萬人口攤分其輸入之量。則知

一九一六年	每人消費	一。二五斤
一九一七年	每人消費	一。二五斤
一九一八年	每人消費	二。三六斤

即前後三年間。其消費有倍額之增高也。

世界糖業概觀已如前述。今後吾國日本自稱。倘亦以世界的眼光獎勵糖業。則或亦不致始終求人歟。

戰前戰後之業糖概觀

占城考

# ▲占城考

太子少保協佐大學士美和子致政

黃琨大人撰

廿六

考今平定之懷仁府轄有一遺址。土人稱古闍槃城。乃占國都也。占立國始自越南趙武帝辰中葉。內通支那。吸其餘味。凡屯壘處多有宮室寺塔。遺瓦間存堅美。名字半效中華。其設險則依山樹柵。或砌磚石。且沿溪帶水以爲池。辰率衆帶利劍勁弩北侵。與李陳黎相抗衡。其所因挫敗亦屢屢矣。迨本朝南拓土宇。而占祚終。嗣德初年平定總督裴公抵蒞訪求闍槃故事。省學政二甲進士范世顯爲攷陳迹。稽羣書。採爲闍槃記。以俟後之好古君子者。維新甲寅年即西曆一千九百十四年春仲月。忝濫充保護之博古會員。會中人索攷占城事迹。忝得是記而樂述焉。且刊補之潤色之。俾付譯呈政焉。按唐書云。自羅利東至闍槃。行半月程。嘉定通志云。羅利即今平順省咸順府轄。闍槃即今平定省懷仁府綏遠縣之南安。北順。把耕三社。今三社地分有古仙翅塔在焉。俗號城耒。一號蛇槃。蓋占主吳日歡據此立國。以蛇槃名其城。如真臘國之伊那城者類也。按越史云。黎大行天福三年西曆九百八十二年黎征占于烏哩州。占主吳日歡兵敗。棄城走。徙于闍槃。黎興統四年西曆九百九十二年復許占主領烏哩州。占兵民歸集這州城如初。按烏哩即屬廣平廣治承天三轄。廣平之蘊奧社。廣治之丹裔社。承天之月瓢社。皆有占人遺壘。今望之式廓微存。而黍苗已離離矣。其南則廣南之大占汛响嶗島。廣義之古壘社。富安之沱浪江。皆占人經理所及也。自吳日歡死而列繼尊立。列繼尊死而楊佗排立。黎又伐之。應天五年西曆九百九十八年占主楊普奔佛誓城。按文獻通考云。黎臥朝元年西曆一千五年占遣使來請領國王。且言國王奔佛誓。北去舊都七百里。按外夷志云。佛誓城路去闍槃七百里。則占人稱舊都者闍槃也。按四裔考云。河陵亦稱闍槃。今下洲也。則占之稱闍槃非止懷仁府也。又云。海峽屬平順之烏蘇島。去磐

城七百里。則佛誓又卽海峽也。想謀國者經營三窟。無事則都城壯麗。聚民生財。有事則屯堡可依。進退負險。占之盛辰。非可全以野蠻概論也。按越史云。李太尊征占。春抵思容。陣五蒲。斬乍斗。秋進入佛誓城而還。乍斗敗於李百有餘年。而闍槃之名復見於陳。按陳史載英尊征占。直搗闍槃。則闍槃爲占大都城處可證也。自乍斗亡而繼之者制族也。遷徙不一。尋復舊都。而闍槃不終棄。理勢然也。按黎洪德年間。聖尊征占。一舉而擒占主賁該。再舉而擒占主茶全。本朝嘉裕皇帝戊寅春。命梁文政進兵沱浪江。拔胡城。事見梁文政傳。孝哲皇帝癸巳年。命雄祿進兵石碑嶺。直搗其城。占主婆朥遁走。事見雄祿傳。蓋此辰富安界以南。猶爲占城國自主也。孝明皇帝癸酉年。占人來侵。帝征占城。擒其主婆爭。改占城國爲順城鎮。封婆爭爲順城蕩王。事見本朝寔錄。嗣西山崛起。阮岳因闍槃城故址而增壯之。有八角樓。有卷蓬殿。立武廟。建祠堂。雕刻石人石貌石象。以環立其左右。本朝世祖平西山。而槃城改稱平定省者始此。那辰占族僅六七百人。別居平順省西鄙。其雄長者稱副鎮耳。明命年間。副鎮阮文承以暗通藩安賊坐罪。而占祀遂絕。計自占主區憐至阮文承。凡一千六百餘年。占國號凡四易。或曰胡孫國。其一也。然考之越史外記。吳午峯以爲無稽矣。其可考者。一曰林邑。一曰環王國。一曰占城國。占之別名有曰占婆。曰占浮勞。曰占甍。按唐書貞觀年間。載林邑主慎龜弒諸葛地主。更國名曰環王。元和年間。安南都護張丹攻環王破之。占主棄林邑。徙國於占。號占城國。越史註。林邑一名占浮勞。又曰占婆王。此國號之屢更可證也。見於支那史載曰。越裳貢雉。曰林邑貢火珠。曰佗槃遣使入貢。見其內通支那。執禮甚卑。亦大小疆弱之勢然也。在周稱爲越裳。在秦稱爲象郡。在漢稱爲嶺南。在唐稱爲林邑。在宋稱爲佗槃。名號各以辰易。而其屬驩州界。

(文苑) 今上御製詩

以南真臘國界以北別爲數千里國。則一也。占主名號凡六十。見於諸書所載。如區憐、吳日歡、列繼、尊、楊佗、排、楊普、釋利乍、斗、鎮龜、蓬莪、婆松、俱尸、利呵、冲排、麻羅、賁該、茶全、婆爭、制矩、制摯、阮文承等。凡二十人。餘皆埋沒難詳。就中占主蓬莪西犯龍編。陳黎見挫。其男之最雄也。占婦媚醯爲李帝令。召而自矢。國破夫亡。投江一死。其女之最烈也。本朝武尊性吳從周守平定。爲西山將圍陷。二將殉城死。其妾亦殉夫死。芳烈英名。與蓬莪媚醯俱顯。則閹磬之地。始以都城而勝者。千百餘年。終以人物而傳者。未知幾千百。是有賴於好古探求之君子也。是爲考。

維新八年二月十二日禮部尙書黃琨奉書

今上御製詩

內閣恭錄

題勤政殿三十首

一 敬天

在上高高儼若臨。聰明辰憲凜深心。奉天御下惟元后。治底巍皇本一欽。

二 法祖

貽厥孫謀原有則。監于成憲永無愆。觀光揚烈前功賁。鴻業長垂億萬年。

三 正心

帝王精一傳心學。天地參三妙化成。悟得重門

廿八

當洞闢。正如方寸自光明。

四 修身

聖王舉動皆規矩。天下觀瞻係笑頰。平治順推功效廣。權輿萬化本於身。

五 明德

蕩蕩堯文敷薄海。巍巍舜哲協重花。嬉遊化日光天下。奚獨耆童擊壤歌。

六 新民

文明風引新潮化。鄙陋冰消舊染塵。鴻絡千年孫子國。江山圖繪錦花新。

七 勤政

體天行健萬幾勅。如日方升百度貞。屈指廟堂無廢事。雍容垂拱樂昇平。

八 愛民

堯世饑寒皆曰我。周家犛獨視如傷。此心長作光明燭。離照煌煌徹萬方。

九 睦族

光被堯勳先睦族。太平周法重敦親。本支百世彝倫敘。仁讓風成治化新。

十 交鄰

國家盛典重邦交。信睦相投固漆膠。世挽大同原有道。春秋盟誓亦徒勞。

十一 體臣

心腹爪牙皆漢傑。股肱耳目盡虞臣。相須一體渾無間。堂陛雍熙萬宇春。

十二 納諫

木若從繩無不正。藥雖苦口更爲良。廣開言路來忠告。盛軌當媿古帝王。

(文苑) 今上御製詩

十三 知人

治道親賢與遠姦。知人則哲帝其難。心中炳炳無塵鏡。區別妍媸一照間。

十四 用人

杞梓梗楠材各別。棟樑榱桷用隨宜。廟堂森列皆賢佐。磐泰千秋奠國基。

十五 親賢

左右五龍騰舜駕。後先九駁聘文途。泰和景象無難挽。近比周庭遠輩虞。

十六 遠佞

君心莫遣壬人累。治道先從仕路清。若得薰蕕能自別。庭多屈軼亦虛生。

十七 崇儉

夏后惡衣躬稼穡。周王卑服卽康田。也知帝範垂明訓。廣大須從守約先。

十八 抑奢

唐殿焚裘懲侈麗。宋宮留衲戒浮奢。儉真美德常終始。節用方能長國家。

(文苑) 今上御製詩

十九 弘量

百般生長歸天覆。萬派朝尊屬海涵。一量恢弘包衆善。上將咸五下登三。

二十 惇信

商后寬仁彰兆姓。周王熙敬洽邦畿。有孚允繫攀如象。一德潛通萬化隨。

廿一 議禮

典禮從來隆秩序。情文大抵別尊卑。先王防範人心處。斟酌隨辰要得宜。

廿二 制度

運際風雷利用爲。明王制度要隨宜。參今酌古垂邦憲。關石和鈞且靡遺。

廿三 明法

法昭如火臣民仰。令肅於霜教化行。御世大權先賞罰。金科玉律要分明。

廿四 慎刑

定分止爭先立法。懲奸弼教要明刑。祇存欽恤無斯濫。上體天心廣好生。

廿五 崇文

魯泮周雍雅頌垂。明王視學有成規。褒崇一念弘經緯。千載文明覩盛期。

廿六 講武

蒐苗獮狩亦張皇。兵備何能一日忘。大閱明明成典在。廟堂完算寓修攘。

廿七 治官

成周董正凜遺規。服政成勤在簡知。德懋懋官功懋賞。明廷僚佐總師師。

廿八 正俗

頑薄欲祛斯世習。淳龐宜扇古辰風。直將教化端防範。世道何難挽大同。

廿九 開民智

僊龍族類億年今。漸染華風日已深。寰海文明憑線引。須從哲理作方針。

三十 廣民財

八政皇疇先食貨。七篇王道重農桑。荒林鑛產宜開闢。工界商途又擴張。

●古賢詩錄

九日陪諸皇子登御屏山賞節

張廣溪先生（嘉隆年間鄉貢官  
太師綏盛郡公）

節日登高事可稽。攀崖傍石手同攜。佩萸百執  
誇身健。望闕三呼祝壽齊。出海徐觀初日上。憑  
空俯視衆山低。會中皇子皆詩伯。有景令人不  
敢題。

止善堂陪坐奉和聞鶯原韻

二月春深柳色青。喬林鶯囀一聲聲。似將心裏  
不平事。飛出枝頭相向鳴。湖上使人空悒悒。曲  
中求友最分明。可憐世鮮知音客。依倚東君訴  
舊情。

詠五色鸚鵡 何巽甫先生（明命年間鄉貢  
官禮部尙書）

剪拂情深解不開。能言獨信世憐才。一毛應爲  
文章惜。五色誰分錦繡裁。吳水無情芳草綠。秦  
樓有夢暮雲迴。可能珠樹飛栖穩。讀過今人夢  
幾回。

東閣上層半夜檢書作

阮方亭先生（明命年間副  
榜官按察使）

最深嚴處復高。清霜鬢藍袍夜獨驚。天上星辰  
低有影。人間鷄犬寂無聲。硃封捧出龍光動。蓮  
燭分來鶴焰平。劉向當年成說苑。石渠不愧校  
書名。

順安夜景和吏部郎韻

如覩蓬萊海上洲。風雲長爲扈宸遊。波澄海國  
三更月。火宿帷宮萬葉舟。如此夜何深擊節。共  
誰言處漫臨流。星郎起我慇懃意。握手中宵望  
斗牛。

禁直曉起 范義溪先生（明命辰進士  
官兵部協理）

午闕鐘聲散曉霜。彤庭燎影動晨光。三秋露逼  
金扉冷。獨坐人聽玉漏長。侍寢遙傳溫室語。司  
衣正襲御爐香。憂勤廟略慚無補。簪筆虛陪粉  
署郎。

(文苑) 古賢詩錄

和友人遊西湖見寄

坐憶西湖二月天。春風載酒綠楊邊。重來冠劍知何日。一別關山又隔年。舞榭台彫蘇小柳。禪房應長慧公蓮。故人解識離思意。點綴湖山入錦箋。

寄阮恂叔

范竹堂先生

(紹治年進士官協佐大學士)

荒山聞已理田車。歲宴空中佇寄書。海內故交今有幾。隴頭新稼近何如。投林倦鳥閒栖止。欲雨停雲亦卷舒。他日尋君秋稔詠。修功猶憶論河渠。

對鏡

旅途那覺雪霜侵。攬炤俄驚歲月深。少壯幾辰休妬影。分明如面詎欺心。移來璧月身相證。簪向菱花思不禁。作鑿工夫憑拂拭。免教塵盞上衣襟。

幸謙宮曉泛應制

阮雲麓先生

(紹治年進士官總督)

晴旭微風引畫檣。江城雨過轉清光。倚空樓閣

卅二

遙迎蹕。夾岸松篁盡向陽。宸慮每先憂草野。詩情不獨在濠梁。應知今夜謙山月。又炤秋雲萬隴黃。

思賢懷古應制

鴻德樓船聘望中。江山想像出英雄。千年龍虎符興運。半夜艚皇邊舟紀戰功。地勢盡迴雙闕外。天威猶障百川東。祇今防海紆宸慮。得士無忘繼大風。

夜直遇雨有懷却寄

幾暇南垣閱是東。校讎院裏一燈紅。輕寒欲作三秋雨。清夢初回五夜風。此處高吟聽玉漏。何人孤艇下金蓬。兔園明月乘涼約。可憶滄波碧藕中。

戲題歌院

檀板金樽興未消。春來惆悵是東橋。海棠雨裏添嬌淚。楊柳風前學舞腰。不繫舟堪閒度曲。無情月自炤吹簫。他年若擬修佳史。花國維先大小喬。

劍湖紀遊

蘭橈未歇夕陽斜。是愛湖光是愛花。臨水數枝  
渾入畫。倚山孤閣似浮家。竹陰兩岸搖晴月。燈

影千門帶落霞。雨罷回車堪悵望。清風無力載  
琵琶。

古賢文錄

玉井蓮賦

陳朝莫挺之先生應制

客有隱几高齋。夏日正午。臨碧水之清池。詠芙蓉之樂府。忽有人焉。野其服黃其冠。迴出塵之仙骨。凜辟穀之癯顏。問之何來。曰從華山。迺授之几。迺使之坐。破東陵之瓜。荐瑤池之果。載言之琅。載笑之差。玉既而呂客曰。子非愛蓮之君子耶。我有異種藏之袖間。非桃李之麤俗。非梅竹之孤寒。非僧

房之枸杞。非洛土之牡丹。非陶令東籬之菊。非靈均九畹之蘭。乃泰華峯頭玉井之蓮。韓愈詩。泰華峯頭玉井蓮。花開十丈。稱如船冷比雪霜。甘比密一片入口沉痾痊。客曰。異哉。豈所謂藕如船兮花十丈。冷比霜兮甘比密者耶。昔聞其名。今得其寔。道士欣然。乃袖中出。客一見之。中心鬱鬱。乃拂十樣之牋。泚五色之筆。以為歌曰。架水晶兮為宮鑿。琉璃兮為戶。碎玻璃兮為泥。洒明珠兮為露。香馥郁兮層霄。帝聞風兮女慕。桂子冷兮無香。素娥紛

兮女妬。採瑤草兮芳洲。望美人兮湘浦。蹇何為兮中流。盍將返兮故宇。豈護落兮無容。嘆嬋娟兮多誤。苟余柄之不阿。果何傷乎風雨。恐芳紅兮搖落。美人來兮歲暮。道士聞而嘆曰。子何為哀且怨也。獨不見鳳凰池上之紫微。白玉堂前之紅藥。奠地位之清高。藹聲名之昭灼。彼皆見貴於聖明之朝。子獨何之乎騷人之國。於是有所斯言。起敬起慕。哦誠齋亭上之詩。廣昌黎峯頭之句。叫閭闔以披心。敬獻玉井蓮之賦。按此賦乃公爭魁辰作也。辰帝以公姿貌淺陋。不欲與公狀元。故賦此以見意云。

(文苑) 古賢文錄

### ● 白藤江賦

陳朝張漢超先生撰

卅四

客有掛汗漫之風帆。拾浩蕩之海月。朝戛舷兮沅湘。暮幽探兮禹穴。九江五湖。三吳百粵。人跡所至。靡不經閱。胸吞雲夢者數百。而四方壯志猶闕如也。乃舉楫兮中流。縱子長之遠遊。涉大灘口。遡東潮頭。抵白藤江。是泛是浮。接鯨波於無際。蘸鷁尾之相繆。水天一色。風景三秋。渚荻岸蘆。瑟瑟飄飄。折戟沉江。枯骨盈邱。慘然不樂。竚立凝眸。念豪傑之已往。嘆蹤跡之空留。江邊父老。謂我何求。或扶藜杖。或掉孤舟。揖余而言曰。此重興二聖。擒烏馬兒之戰地。與昔辰吳氏。破劉弘操之故洲也。當其舳艫千里。旌旗猗尼。邊方。貔貅六軍。兵刀蠶起。雌雄未決。南北對壘。日月昏兮無光。天地凜兮將毀。彼必烈之勢彊。劉龔之計詭。自謂投鞭可掃南紀。既而皇天助順。兇徒披靡。孟德赤壁之師。談笑飛灰。苻堅合肥之陣。須臾送死。至今江流終不雪恥。再造之功。千古稱美。雖然自有宇宙。固有江山。信天塹之設險。賴人傑以尊安。盟津之會。鷹揚若呂。維水之戰。國士如韓。惟此江之大捷。由大王之賊閑。英風可想。口碑不刊。懷古人兮隕涕。臨江流兮厚顏。行且歌曰。大江兮滾滾。洪濤巨浪兮朝宗無盡。仁人兮聞名匪人兮俱泯。客從而賡歌曰。二聖兮並明。就此江兮洗甲兵。胡塵不敢動兮千古昇平。信知不在關河之險兮。惟在懿德之莫京。

### ▲ 辰 談 世界大事記

#### ▲ 協商各國之波洛業國際大會

據某報所載英法首揆將在巴斯大會召集協約各國代表。並邀德國代表蒞會。面商未了各案。故先行議定協約各國間之共同政策。斯不致臨時橫生枝節。英法首揆。爲此原因。乃於六月二十日集議於英國之海愛斯地方。翌日渡海同赴法之波洛業 Bologne-sur-Mer 會同各大國之外交家軍事家。(英法意比日希臘)開協約國之國際大會。是會開始於二十一日。翌日即閉。其討論之事件。曰賠款問題。議定德國交付賠款。及協約國分配之辦法。應由協約國專家擬定一種公共贊可之草案。交與比京協約國大會決定。然

後提交斯巴大會。蓋此問題。最易發生協約各國間之誤解。不得不先事徵集各國之同意也。二曰縮減軍備問題。議定立即致德政府。限其依照和約至七月十日減至十萬人。三曰駐使問題。議定各國均應派遣大使駐德。在斯巴大會開會以前就職。四曰東方問題。議定贊許希臘用兵小亞細亞之一部。彈壓土耳其國民黨之亂事。五曰對俄通商問題。議定應抱定不涉及承認勞農政府之宗旨。此五問題。惟舉其犖犖大者也。前三者皆對德而發。為斯巴直接開議之籌備。協約各國意見似已一致。後二者較為複雜。意大利對於希臘之單獨用兵。亞洲土耳其。未必肯表同情。即英法軍事家亦未嘗不以希臘軍隊之不能勝任為慮。對俄通商。則於斯辰並無新發展云。

## ▲法國重造問題

中美新聞社巴黎通信云。國際商會組織委員會會員好士頓氏。游歷法國。今日告紐約時報巴黎通信員云。法國今日之所為。誠為奇妙。余甫經過戰事殘破之區。二百英里。無一里不見法人之活動。從拉斐爾至聖昆丁。歸途由樂安至萊姆斯一帶農田。皆徧種小麥。大麥。燕麥。一切收成均好。人人從事工作。全國皆然。彼謂法國並不工作者。非愚即偽。試觀其商業及農收之發達。即為明證。彼戰中死傷之數百萬。自然不能再耕種。然生存之男子婦女小兒。則皆服勞於田疇。莫不勇氣百倍。法國於此。需要賒取材料。余料美國能助之。法人對於美國之態度。頗多誤會。蓋由不明美政府之投資。與美國人民之投資。有私人與非私人之別。然此非法人之咎。乃吾美官員語言不謹者之咎也。美國商會前會長法海氏。上星期告巴黎商會云。美國數十商會所組織之寔業界。寔一致贊助法國。願以財力助其重造。惟此項後援。為私人的而非政府的耳。美國於近數月來。於對外財政及匯兌頗多研究。去中美國對外貿易。共得四十億金圓。美人知此決非可以長保不敵者。必須資助歐洲開發富源。則間接即為助長吾之對外貿易。故製造家今已將貨物長期賒借與外國主顧。並請銀行家設法為總合的賒借。美國銀行協會現正組織一委員會。由麥許氏為會長。處理此問題。據麥氏告余。進行順利。有解決希望。大約將辦一歐洲所謂投資脫拉斯。以全美銀行家為股東。而均分收買外國之擔保品。再將此等保品重售於私人投資家。美國當加入戰局時。私人投資家祇有四十萬人。現已增至一千四十萬人。有人問余。此等私人投資家是否願買此國際債票。余斷然答之曰。願買。倘歐洲投資家能表示信任。購其一部分。則美人益將踴躍從事矣。美國極願法國財產之損失。迅速回復。法人之避戰禍而他遷者。現陸續移回殘破之地。已達戰前三分之二。無不奮發工作。表示其對於前途之信心。然必須立有大宗金錢。方能進行無阻。吾知吾美國必能盡力以助之也。惟尚有一事必須解決者。誠如法人萬口同聲所云。此事決不可再見（指戰事）而欲保證其不再見。必須德國確定擔認解除軍備。此為根本問題。協約國必須得此保證。始能許德國恢復其經濟上之能力。法國於此問題。所見極真切。苟英美二國而不能見到者。毋甯勿再談和平解決之為愈也。

## ▲美國之總統選舉運動

於五月時華特將軍 Wood 為初選舉最列前茅之人物。為之後盾者。亦較其他候選人為衆。參議員約翰森 Johnson 氏。進行極順利。近亦以能得大多數票權者著稱矣。霍佛 Hoover 亦為重要之候選人。故華特約翰森霍佛三氏。現皆為共和黨中最有希望之候選人也。初選舉正在進行之初。說者謂最有勢力之當選人。現尚蟄伏。行將轟然出現。作一鳴驚人。之現象。其時有文學 Literary

## (反談) 世界大事記

三七

Digest 雜誌者試行非正式選舉。發出選舉票一。〇〇〇。〇〇〇張。所舉出之人物。極足惹人注意。全美共有票權一八。〇〇〇。〇〇〇。一。〇〇〇。〇〇〇。〇〇〇。〇〇〇權已佔大多數。此中舉出者。自常有研究之價值也。該雜誌在本星期中將四星期來所得之結果。公佈於衆。投票者共七一六。五七八人。華特將軍得一三六。一八二權。約翰森氏得一八。〇一六權。霍佛得一三。九九八權。勞登 Lowden 五九。三二五權。哈亭 Harding 二三。七五二權。塔夫脫一六。四四八權。以上各氏皆隸共和黨。民主黨人物所得票數。祇爲共和黨員所得者之三分之一。以麥克圖 Mc Adoo 所得者爲最多。爲二九。一一〇權。長州愛德華 Edward 次之。得二八。九〇四權。威爾遜二八。三〇六權。擺來陽 Bryan 一九九〇權。費來特費亞州參議員潘樂士 Baise Penrose 爲費城共和黨選舉運動中之領袖。在共和黨全國選舉組織中。爲最有勢力之人物。此星期忽出而爲參議員諾克司 Philander C. Knox 奔走運動。欲使諾氏爲共和黨候選人之一。諾氏爲反對和約者。此公出現。德約問題將爲選舉競爭中之重要爭點。而反對與贊成和約者。自茲將厲兵秣馬。作一場大戰之準備矣。

民主黨對於諾克司氏之媾和決案。將爲選舉競爭械具之態度。可在該黨全國理事長柯明司 Homer S. Cummings 本星期內所公佈之宣言書中見之。其書曰「參議院外交委員會所公佈之諾氏媾和決案。爲天良淹沒之左證。共和黨之居心。益不堪問。借媾和之名。而施詐術。察其決案有大謬點五。默認衆院圖以國會兩院名義。與德國單獨媾和謬點一也。求總統開始與德訂簽單獨和約。謬點二也。欲以一紙空案。終止戰期。而置美國人民之利權於不顧。謬點三也。一方面希冀得收凡爾塞和約之利權。而同辰不願爲締約人之一。謬點四也。使總統不得不與奧國單獨講和。謬點五也。此五者。爲該案顯著之誤點。若在一年前任何政黨領袖。主張叛離協約各邦。而與德奧媾和。則必遭人民之唾棄。而陷於孤立無援之境。今日共和黨領袖竟囂然爲此主張。其必喪心病狂。但知攫權勢而不知有他矣。自一九一八年十一月改選以來。美國之令名地位權力。何日不因該黨而受損折。凡所施設。皆乖亂不堪。共和黨首領。圖枉法以逞私欲。故國事紛擾益甚。據鄙見所及。正道即在目前。遵此道。則莊嚴永久之和平可得。其道維何。即批准吾同仇各邦已批准之和約是也。此道愈經辯論。而愈覺其爲美國維持莊嚴篤盡天職之唯一要務也。」柯明司氏者。與白宮有密切關係者也。

選舉競爭開幕已久。而威爾遜氏至今仍未有正確之表示。寔屬不可思議。此星期自華盛頓得一新聞。謂威氏近作一長途摩托車旅行。自渠病痊能出白宮以來。作長途旅行。此爲第一遭也。同行者爲威爾遜夫人及至戚數人。威氏不與其夫人並肩。而坐於車夫之旁。白宮大摩托車發自都城。而止於拉不來他 La Plata 鎮。此舉其將爲威氏精神復振而有所作爲之先聲乎。

## ▲歐亞文化接近之曙光

近日中國青年來法求學者。近已達千人之多。此種潮流。法國各界頗為注意。無形中且引起法人無限之友情。辰露有竭誠相助之熱忱。可信今後中法教育家所預定之各種教育運動。必能得極康健之進行。此吾人可以鄭重為中法教育前途慶者。此後最要之事。即中法人士能互相了解兩國學術上之特質。一清自來不確當之觀念。（如法人想像中國文化總以為不可思議而中國人又素來只知法國為美術文學之國。）以期異點較多之思想媾和。而為東西學術謀一共進互助之坦途。吾人於此。有欣為記述者。即巴黎大學中國講座之開講是也。此種運動。聞中國人葉恭綽氏與其同志倡議之後。即得中法政府之資助。已能於短辰期中籌備完畢。定期開講。吾人於此。即可觀吾東方之文化。在此與世界學術最有關係之名都。一露其悠古之面目。在籌備期中最難之事。即在主講人之缺乏。自來對於中國有研究。如有名之。余瓦勒 Chevanne 等。大都凋謝。其他如古郎君 Coulange 又在里昂大學。不能兼顧。於是為人設科。乃先開講中國文化史。中國美術史。中國音樂學。擔任者為拉羅瓦君 L. Laloy 君。係巴黎大學教授。及巴黎洛白拉國家戲院 L'opera 總秘書。對於中國美術音樂。極有研究。能操華語。極嗜李太白詩。曾經將李詩譯為法曲。在洛白拉演唱。及格羅君 (Grouet) 此外尚有韋西耶爾 Vissiere 亦通中國語言學術。在巴黎之東方語言學校 L' Ecole langue Oriental) 主講中國文學哲學美術音樂。素為歐洲人士注重。將來開講以後聽者必不少。

此外中法間教育運動最大之事。即為里昂之中國大學。此議發自中國吳稚暉君。嗣經李石曾君。寔際活動。開組織亦已有頭緒。又有勤工儉學問題。中國工學少年陸續赴法者已達多數。聞今年彼人與各工廠聯絡。頗得美果。有一最大之廠。在聖德奠已允收用工人學徒三百五十餘人。其他紙廠化學廠。為前日所不易覓者。今亦表示收容好意。

近來法國各處報紙。對於勤工儉學生。常有登載。頗表同情。其在各廠各校與法人相處者。亦從無齟齬之事。鄉間法人。前此以華工一部分行為代表中國人之觀念。此後自可完全洗除。此則因勤工儉學之故。而使東西人交通之對流增大。風俗相習長短互知也。

## ▲法國於近日派使來華。以考究東方之文化。

又聞中美新聞社巴黎通信云。法國中國學院。由中國大總統之建議。已成立於薩爾明。近行開學典禮。教育總長及其他重要人物皆蒞止校中經費。由中法兩國政府合出。中國政府并捐書十萬卷。以供該學院圖書館之用。此項書籍到時。則彼間可謂西方研究中中國學術之中心點。今則仍為一般學生及留意遠東文化者一種集合之場所而已。開學時。到會來賓中。有一極著名之人物。即為保羅潘利佛 Painlevé 氏。氏曾於一千九百十七年間。任國務總理兩月。今尙任下議院議員。據聞潘利佛氏已徇中國政府之請。於五月十一號啓程赴遠東。取道美國紐約及舊金山。其主旨在考察中法間文化上之關係。如何進步。至中國辰。即為中國政府之上

## (辰談) 國內之部

卅八

客云。文化之法蘭西。固應選一非官派之大使。作遠東之行。以潘利佛氏任之。自能勝任愉快。問其年五十有七矣。而頭上尙無一華髮。仍保存少年氣象。論其才力。亦卓然超衆。且醉心於民主主義者。氏生於巴黎。父爲顏料商。事業不甚偉大。氏少辰。極愛研究算學。二十歲以前。即著有開發算學之論文多篇。印行國內。未及二十四歲。即得科學博士學位。入利勒大學爲教授。一千九百年被選爲法國科學院院員。年事最少。一千九百十八年。遂任院長。氏亦喜飛行事業。在常人中。以第一人試爲飛行。曾經著名飛行家惠爾白拉愛德同飛於勒孟士附近之烏佛爾壘。傳稱人口。後復從拉愛德於一小辰十六分中試爲二十五基羅邁當之飛行。一辰無有人能及之者。其愛飛行也。至於飛行事業盡力提倡。一千九百十年。曾刊一論文。主張於五年間趕造飛機一千架。橫行天表。并與同志發起設立一高等航空學校。國內無數機師。皆就此受教練焉。氏之活動於政治舞台也。由於當年反對政治家漢蘭葉之行動而起。曾演說於諸會場中。言詞甚激。一千九百十年。入上議院。一九一五年十月。在白利安內閣中任教育總長。約一年。一九一七年在利波內閣中。任陸軍總長約半年。利波既倒。遂出任內閣總理。凡兩月。後克利曼索內閣成。遂下野。氏在總理任中。頗不滿於人口。謂其主持戰務。不甚出力云。

## ● 國內之部

## ▲▲ 河內之商業學校

龍全權大人之蒞南政策。專重裕民經濟方面。想人人已知之矣。前此沙露大人所提出學務章程。設立各個高等學。如法政學。師範學。已著成效。今龍大人繼蒞。繼續沙大人所議之案。而從速議設一商業學校。使沙大人開化之主義。漸達完全。而龍公寔施政策。亦可想見。據近日西南各報所登載。則全權大人已決定設一商業學校於河內。以本年九月十五日開校。這校亦列入東法大學之一。故其入學體式。大要亦與他各大學同。凡欲投學者。須有中學卒業之文憑。學期二年。在外入學。免納入學脩金。仍政府亦可隨學生之請求。給學費。許留校學習。這各費款。另由東法之預算。或由

各地轄之預算担任之。考卒業辰。分數優者。則可由政府補用。充爲各公衙參佐之職。或不欲從公。而在外當各商會或各銀行之聘用。皆可。教授之功課。則分爲法語。英語。中華語。算學。代數學。幾何學。經濟地輿學。化學。商律學。商品學。各殖民地之產物學。各海船之裝置學。速記學。打字機學。衛生學。等種。觀此。則可知政府見我民。近日傾向於寔業一途。故欲練習其商學之人才。俾得與世人競爭於商場上。凡我青年之俊秀。若有志於爭商事業者。想當先從學問用工矣。

## ● 政府之佈告

近日所登載於各法報及譯登於各國語報之電信。屬於大法以東法割讓他國以減少母國之重負。安南人接此消息。多致誤會。幾疑大法國以割讓東法爲可寔行之事。非然也。試觀屬地部總長沙露大人。近日在上議院所宣佈之辭。而上議院人人皆鼓掌以表同情。則足知大法輿論。未嘗響應此虛誕之理想。且大法政府。何嘗有以屬地讓人之舉乎。

此割讓事。寔反悖乎大法及東法雙方之利權。大法決不出此計劃也。况乎歐戰之後。此舉又違悖乎兩國人之心理。大法民之與東法民。乃因同一之主義。而混鮮血於戰場上也。則安忍於悲劇之後。大法肯捐棄彼盡忠竭誠之東法赤子乎。近日奴仁須馬尼 (Nogent-Sur-Marne) 東法紀念臺之落成。我沙露公預禮。何等鄭重。此乃母國不忘東法戰士之顯證也。

屬地部總長沙露公。既表明云。割讓屬地之事。誠爲無理。惟有暗昧東法之情勢。然後有此妄想。若大法政府。則未嘗放棄保護東法之責任。

(長談) 國內之部

## ● 錢幣問題

歐戰後之錢幣問題。世界各國都有金融動搖之狀。我國錢幣今日現處於錢荒之辰代。政府謀有以拯救之。乃立一錢幣委員會於西貢。近接得全權府來信。則這委員會之論定如左。委員會既詳盡調查屬於東法錢幣動搖之原因。及考閱各意見書。遂決定各款如左。委員會皆齊聲請改良錢幣問題。並鑄一金質之錢文。俾無腐爛。而不致用紙銀之彊制。凡在法國商賣會及技藝會治事班所議之案。則這委員會皆同聲駁却之。

委員會同聲擬定東法當以金圓爲本位。

委員會又同聲認定華圓之價。對於佛蘭最少亦須與二十七格蘭米之銀華圓相等。

然則委員會。今只尙討論屬於改良之體式。最要者關於重量及金銀質何如。這委員集議已十四次。行將告竣云。

此錢幣問題之大略。詳細條件。俟聞。本誌另行報告。

## ☯ 西方格言

拙工常與其器鬪

惡人而僞聖賢者尤可惡

患難爲道德之雙親

智識爲人生最明之燭